

<input type="checkbox"/> KOSMO
Tarikh: 31/3/2011
Hari: Khamis M/S: -59
Ruangan: SUKAW

Pencarian bakat di Kota Tinggi

TIDAK mustahil suatu hari nanti, kanak-kanak yang menganggotai Akademi Bola Sepak Parlimen Kota Tinggi, Johor akan terpilih menjadi pemain bola sepak negara.

Pegawai Pelajaran Daerah (PPD) Kota Tinggi, Md. Buang Saibani berkata, bakat yang ditunjukkan kira-kira 478 kanak-kanak berusia 6 hingga 15 tahun yang menyertai akademi tersebut akan digilap dan diasah supaya mereka ini boleh dijadikan barisan pelapis untuk skuad bola sepak daerah Kota Tinggi dan seterusnya ke peringkat negeri.

Menurutnya, penubuhan akademi seperti itu merupakan langkah bijak dalam memastikan negeri Johor tidak ketandusan pemain berbakat.

"Saya berharap kanak-kanak ini dapat memberi tumpuan baik kepada latihan supaya mereka dapat menganggotai pasukan elit sekolah, daerah mahupun negeri," katanya ketika ditemui pada majlis Pelancaran Akademi Bola Sepak Parlimen Kota Tinggi di padang Bukit Kerajaan, Kota Tinggi baru-baru ini.

Program tersebut dirasmikan oleh Ahli Parlimen Kota Tinggi, Tan Sri Syed Hamid Albar.

Turut hadir Timbalan PPD Kota Tinggi, Mohamad Fadil Ishak serta Ketua Pergerakan Pemuda UMNO Bahagian Kota Tinggi, Mesran Tukiman.

Md. Buang juga berharap, ada lagi pihak lain yang dapat meneruskan inisiatif seperti ini walaupun dalam bidang lain seperti kemahiran dan seni.

Akademi yang mendapat sentuhan dan tunjuk ajar daripada barisan jurulatih (guru) berkelulusan ijazah sarjana muda sains dan pendidikan (sains sakan) dari UTM, UTM, UUM dan INSTEAD itu, sebenarnya mempunyai keistimewaan tertentu di bawah ketua jurulatihnya, Mohd. Shafiee Ali Hanafiah di samping bantuan seluruh ahli jawatankuasanya.

Sementara itu, Syed Hamid dalam ucapannya berkata, program tersebut memberi fokus kepada pencarian bakat baru di kalangan kanak-kanak dan remaja dalam sukan bola sepak.